

CABINET CYNGOR GWYNEDD



Adroddiad i gyfarfod Cabinet Cyngor Gwynedd

Dyddiad y cyfarfod:	3ydd o Hydref 2017
Aelod Cabinet:	Y Cynghorydd Dyfrig Siencyn
Swyddog Cyswllt:	Dewi W. Jones
Rhif Ffôn Cyswllt:	01286 679233
Teitl yr Eitem:	Bwletin Perfformiad Awdurdod Lleol 2016-17

1. Y PENDERFYNIAD A GEISIR

- 1.1. Derbyn a nodi'r wybodaeth yn y Bwletin Perfformiad.
- 1.2. Gofyn i'r Aelodau Cabinet perthnasol sicrhau eu bod yn:
 - a) Bodloni eu hunain fod camau yn eu lle er mwyn gwella'r sefyllfa gan roi sylw i'r mesurau sy'n ymddangos o fewn y colofnau sydd wedi eu lliwio yn **felyn** yn **Nhabl 1** yn y cylch nesaf o gyfarfodydd herio perfformiad a gynhelir ym mis Tachwedd.
 - b) Adrodd yn ôl ar unrhyw sylwadau sy'n crynhoi'r cyd-destun perfformiad ac unrhyw gamau ar gyfer gwella sydd wedi eu cytuno fel rhan o adroddiadau perfformiad Aelodau unigol yn y cylch adrodd nesaf ym mis Ionawr.

2. Y RHESWM DROS YR ANGEN AM BENDERFYNIAD

- 2.1. Er mwyn sicrhau fod camau priodol wedi eu rhoi yn eu lle i wella perfformiad mesurau sy'n perfformio yn waeth na gweddill Cymru.

3. CYFLWYNIAD

- 3.1. Yn flynyddol mae Uned Data Llywodraeth Cymru yn cyhoeddi Bwletin Perfformiad ar gyfer Awdurdodau Lleol Cymru. Mae'r Bwletin yn dewis set gyfyngedig o ddangosyddion perfformiad ac yn eu cymharu ar draws Cymru. Cyhoeddwyd y Bwletin diweddaraf ar y **13eg o Fedi** ac mae'n cynnwys gwybodaeth ar berfformiad y set o ddangosyddion perfformiad ar gyfer awdurdodau lleol yn 2016-17.
- 3.2. Ceir copi llawn o'r Bwletin Perfformiad er gwybodaeth yn **Atodiad 2**.
- 3.3. Fe sylwch nad yw data Gofal Cymdeithasol wedi ei gynnwys yn y Bwletin a rhagwelir y bydd y rhain yn cael eu cyhoeddi ar wahân yn ystod mis Hydref.
- 3.4. Er bod y wybodaeth yn crynhoi perfformiad Gwynedd yn y mesurau cenedlaethol ac yn galluogi cymhariaeth hefo gweddill Cymru mae'n bwysig cofio nad ydynt yn cynrychioli ein holl wasanaethau, nac yn adlewyrchiad

cytbwys o berfformiad y Cyngor yn ei gyfanrwydd.

3.5. Nid yw rhai o'r mesurau yn cael eu hystyried gan y gwasanaethau i fod yn rai sy'n mesur yr hyn sy'n bwysig i bobl Gwynedd (ac felly nad ydynt yn cael eu trin fel mesurau gan ein gwasanaethau), ac mae'r rhain wedi eu nodi ar gefndir llwyd yn y tabl isod.

3.6. Mae **Tabl 1** yn rhannu'r 24 o fesurau i 4 categori bras (ar sail perfformiad yn erbyn gweddill Cymru, a p'run ai ydynt wedi gwella yn erbyn y flwyddyn cynt).

Tabl 1: Crynodeb perfformiad mesurau cenedlaethol Gwynedd 2016/17

	Perfformiad wedi gwella (neu'n gyson) ers 2015/16	Perfformiad wedi gwaethgu ers 2015/16
Perfformiad cymharol well na gweddill Cymru (Hanner uchaf)	<ul style="list-style-type: none"> EDU/002ii: % disgyblion 15 oed mewn gofal adawodd heb gymhwyster EDU/003: % disgyblion CA2 gyrhaeddodd Dangosydd Pynciau Craidd EDU/006ii: % disgyblion CA3 gafodd asesiad athrawon yn Gymraeg (iaith gyntaf) EDU/015b: % datganiadau terfynol AAA roddwyd mewn 26 wythnos (heb eithriadau) EDU/017: % disgyblion 15 oed gyflawnodd TL2+ EDU/004: % disgyblion CA3 gyrhaeddodd Dangosydd Pynciau Craidd EDU/016a: % presenoldeb disgyblion cynradd EDU/016b: % presenoldeb disgyblion uwchradd STS/006: % achosion tipio gwastraff anghyfreithlon a gliriwyd o fewn 5 dydd gwaith PPN/009: % sefydliadau bwyd sy'n 'cydymffurfio'n fras' â safonau hylendid bwyd LCS/002b: Nifer ymweliadau â chanolfannau chwaraeon a hamdden fesul 1000 poblogaeth 	<ul style="list-style-type: none"> EDU/011: Cyfartaledd sgôr pwyntiau disgyblion 15 oed PLA/006b: Nifer unedau tai fforddiadwy ychwanegol, fel % o holl unedau tai ychwanegol CAM/037: % newid yn sgôr Tystysgrif Arddangos Ynni adeiladau cyhoeddus STS/005b: % priffyrdd sydd o safon glendid uchel / derbynol CHR/002: nifer dyddiau gwaith gollwyd oherwydd salwch fesul gweithiwr
Perfformiad cymharol waeth na gweddill Cymru (Hanner isaf)	<ul style="list-style-type: none"> EDU/002i: % disgyblion 15 oed adawodd heb gymhwyster WMT/004b: % gwastraff trefol anfonwyd i safle tirlenwi WMT/009b: % gwastraff trefol gafodd ei ailgylchu / aildddefnyddio THS/007: % oedolion 60+ oed sy'n ddeiliaid tocynnau teithio bws 	<ul style="list-style-type: none"> EDU/015a: % datganiadau terfynol AAA roddwyd mewn 26 wythnos (cynnwys eithriadau) PSR/002: nifer dyddiau gymerwyd i roi Grant Cyfleusterau Anabl PSR/004: % anheddau sector breifat gwag a adfeddiannwyd o ganlyniad i weithredu gan yr ALI THS/012: % prif ffyrdd sydd mewn cyflwr gwael yn gyffredinol LCL/001b: Nifer ymweliadau â llyfrgelloedd cyhoeddus fesul 1000 poblogaeth

3.7. Fe welir fod bron i hanner y mesurau (11) yn y categori lle mae ein perfformiad yn gymharol well na gweddill Cymru gyda'r perfformiad wedi gwella neu aros yn gyson ers 2015/16.

- 3.8. Mae gweddill y mesurau yn y categorïau lle mae perfformiad unai yn gymharol well na gweddill Cymru ond wedi gwaethygu ers 2015/16 neu lle mae perfformiad yn gymharol waeth na gweddill Cymru (unai wedi gwella neu waethygu ers 2015/16).
- 3.9. Er mwyn deall y tueddiadau yn well a bodloni eu hunain fod camau yn eu lle er mwyn gwella'r sefyllfa awgrymir fod yr Aelodau Cabinet perthnasol yn rhoi sylw i'r mesurau sy'n dod o fewn y categorïau hyn (colofnau wedi eu lliwio yn **felyn**) yn y cylch nesaf o gyfarfodydd herio perfformiad fydd yn cael eu cynnal ym mis Tachwedd.
- 3.10. Yn ogystal, awgrymir bod unrhyw sylwadau sy'n crynhoi'r cyd-destun perfformiad ac unrhyw gamau ar gyfer gwella sydd wedi eu cytuno yn cael eu hadrodd yn ôl i'r Cabinet fel rhan o adroddiadau perfformiad Aelodau unigol yn y cylch adrodd nesaf.
- 3.11. Ceir dadansoddiad pellach o'r perfformiad yn **Atodiad 1** ac ar y dudalen gyntaf ceir rhywfaint o fanylder ynghylch y mesurau gan ddangos rhai o elfennau allweddol y data ei hun (ffigyrau Gwynedd a gweddill Cymru, chwarteli, safle yng Nghymru ayb) ar gyfer 2015/16 a 2016/17.

4. **CAMAU NESAF AC AMSERLEN**

- 4.1. Aelodau Cabinet unigol i roi sylw i'r mesurau sydd o fewn y categorïau sydd wedi eu lliwio yn felyn yn y cylch nesaf o gyfarfodydd herio perfformiad ym mis Tachwedd ac i adrodd ar gyd-destun perfformiad mesurau unigol ynghyd ac unrhyw gamau ar gyfer gwella yn eu hadroddiadau perfformiad ym mis Ionawr.

5. **UNRHYW YMGYNGHORIADAU A GYNHALIWYD CYN ARGYMELL Y PENDERFYNIAD**

5.1. **Barn y Swyddogion Statudol:**

i. Y Swyddog Monitro:

Dim sylwadau i'w hychwanegu o safbwynt priodoldeb

ii. Y Pennaeth Cyllid:

Dim i'w ychwanegu o safbwynt priodoldeb ariannol